

PRESTASI PERDAGANGAN MALAYSIA, MEI 2022

Prestasi dagangan Malaysia kekal kukuh dan mengekalkan momentum menaik pada Mei 2022. Jumlah dagangan meningkat 33.6 peratus daripada RM170.9 bilion pada tahun sebelumnya kepada RM228.4 bilion, pertumbuhan dua digit bulan yang ke-16 berturut-turut sejak Februari 2021. Selari dengan prestasi dagangan, eksport dan import juga mencatatkan pertumbuhan dua angka masing-masing 30.5 peratus dan 37.3 peratus berbanding Mei 2021. Import Malaysia merekodkan nilai tertinggi baharu pada RM107.9 bilion, selari dengan lonjakan bagi barangan perantara 34.1 peratus, menandakan aktiviti ekonomi domestik yang lebih baik. Nilai dagangan terus mencatat lebihan, dengan nilai RM12.6 bilion, menurun 8.3 peratus daripada tahun sebelumnya.

Berbanding April 2022, prestasi jumlah dagangan, eksport dan lebihan dagangan menunjukkan penurunan masing-masing 1.4 peratus, 5.6 peratus dan 46.3 peratus. Sebaliknya, import meningkat 3.6 peratus.

Bagi tempoh Januari sehingga Mei 2022, jumlah dagangan, eksport, import dan lebihan dagangan terus mencatatkan pertumbuhan positif. Jumlah dagangan meningkat 25.1 peratus, disokong oleh perkembangan eksport (+23.5%) serta import (+27.0%). Pada masa yang sama, lebihan dagangan mencatatkan nilai yang lebih tinggi pada RM101.1 bilion.


A. EKSPORT

Eksport Mengekalkan Pertumbuhan Dua angka, Meningkat 30.5 peratus pada Mei 2022


1. Prestasi Eksport

Eksport Malaysia pada Mei 2022 bertumbuh kepada RM120.5 bilion, mencatatkan peningkatan dua angka 30.5 peratus tahun ke tahun dan mengekalkan pertumbuhan positif untuk bulan ke-21 berturut-turut sejak September 2020. Pertumbuhan ini didorong oleh kedua-dua eksport domestik dan eksport semula. Eksport domestik bernilai RM96.0 bilion menyumbang 79.7 peratus kepada jumlah eksport, meningkat 22.1 peratus, tahun ke tahun. Sementara itu, eksport semula mencatatkan RM24.4 bilion, meningkat 79.1 peratus berbanding tahun sebelumnya. Berbanding April 2021, eksport mencatatkan penyusutan 5.6 peratus atau RM7.1 bilion. Analisis terma pelarasan musim bulan ke bulan, eksport naik 1.1 peratus atau RM1.3 bilion kepada RM125.4 bilion.

Carta 1 Eksport Domestik, Eksport Semula (RM bilion) dan Perubahan Tahunan (%)



Carta 2 Nilai Eksport Asal dan Nilai Eksport Pelarasan Musim, RM bilion



2. Prestasi Eksport mengikut Negara Destinasi Utama


China dan Singapura adalah negara destinasi utama pada Mei 2022 dengan jumlah sumbangan 27.9 peratus kepada jumlah eksport Malaysia.

Eksport ke Singapura berjumlah RM18.3 bilion, mewakili 15.2 peratus daripada jumlah eksport, mencatatkan peningkatan 40.9 peratus atau RM5.3 bilion tahun ke tahun. Peningkatan ini didorong oleh eksport yang lebih tinggi barangan elektrik & elektronik (+RM3.3 bilion, +53.0%), keluaran petroleum (+RM1.2 bilion, +80.9%), jentera, peralatan & kelengkapan (+RM306.7 juta, +33.1%) dan barangan perkilangan logam (+RM195.3 juta, +46.2%).

Eksport ke China pada Mei 2022 berjumlah RM15.3 bilion dan menyumbang 12.7 peratus kepada jumlah eksport Malaysia, meningkat 10.1 peratus atau RM1.4 bilion tahun ke tahun. Pertumbuhan ini didorong oleh eksport yang lebih tinggi bagi elektrik & elektronik (+RM2.0 bilion, +48.1%), minyak kelapa sawit & keluaran pertanian berasaskan minyak kelapa sawit (+RM223.6 juta, +46.1%) dan gas asli cecair (+RM201.3 juta, +20.7%). Walau bagaimanapun, barangan besi & keluli menurun RM696.2 juta atau 78.3 peratus.

Daripada sepuluh negara destinasi utama, Hong Kong, Thailand, Taiwan dan Republik Korea mencatatkan pertumbuhan tahunan lebih tinggi berbanding peningkatan pada Mei 2021.


Carta 3 Perubahan Tahunan Eksport mengikut Negara Utama, Mei 2021 dan Mei 2022



3. Eksport ke Negara-negara ASEAN

Eksport ke ASEAN pada Mei 2022 yang merangkumi 30.7 peratus daripada jumlah eksport Malaysia, meningkat 44.2 peratus daripada RM25.7 bilion pada Mei 2021 kepada RM37.0 bilion. Kenaikan ini disumbangkan terutamanya oleh barangan elektrik & elektronik yang meningkat 52.7 peratus atau RM4.7 bilion, diikuti keluaran petroleum (+RM2.8 bilion, +82.6%), minyak kelapa sawit & keluaran pertanian berasaskan minyak kelapa sawit (+RM539.7 juta, +102.7%), kimia & bahan kimia (+RM438.8 juta, +20.8%) dan jentera, peralatan & kelengkapan (+RM421.3 juta, +26.3%). Dalam kalangan negara ASEAN, Singapura mendominasi sebagai negara destinasi eksport, dengan sumbangan 49.6 peratus atau RM18.3 bilion, berkembang 40.9 peratus berbanding tahun sebelumnya.

Carta 4 Pembahagian Peratusan Eksport, Mei 2022



4. Prestasi Eksport mengikut Sektor Ekonomi

Eksport barangan perkilangan pada Mei 2022, mencatat pertumbuhan 27.3 peratus kepada RM100.4 bilion dan menyumbang 83.3 peratus kepada jumlah eksport Malaysia. Penyumbang utama kepada peningkatan ialah barangan elektrik & elektronik (+RM14.3 bilion, +45.3%), diikuti oleh keluaran petroleum (+RM5.6 bilion, +81.2%), barangan perkilangan berasaskan minyak kelapa sawit (+RM1.6 bilion, +74.7%) dan kimia & bahan kimia (+RM902.3 juta, +17.2%).

Eksport keluaran pertanian mencatatkan peningkatan 43.9 peratus daripada RM7.5 bilion pada Mei 2021 kepada RM10.8 bilion dan menyumbang 8.9 peratus kepada jumlah eksport. Peningkatan ini sejajar dengan peningkatan eksport minyak kelapa sawit & keluaran pertanian berasaskan minyak kelapa sawit yang berkembang 53.9 peratus kepada RM8.9 bilion.

Sementara itu, eksport hasil perlombongan yang mewakili 7.3 peratus daripada jumlah eksport mencatatkan pertumbuhan positif 54.9 peratus daripada RM5.7 bilion pada Mei 2021 kepada RM8.8 bilion. Ini disokong oleh eksport yang lebih tinggi gas asli cecair (+RM1.8 bilion, +60.6%) dan petroleum mentah (+RM980.3 juta, +52.8%).

Paparan 1 Eksport mengikut Sektor, Mei 2021 dan Mei 2022



5. Eksport mengikut Produk Utama Terpilih

Peningkatan eksport pada Mei 2022 disumbangkan oleh pertumbuhan positif produk berikut:

- Barangan elektrik & elektronik (38.1% daripada jumlah eksport), berkembang 45.3 peratus (+RM14.3 bilion) kepada RM45.9 bilion;
- Keluaran petroleum bertapis, yang menyumbang 9.3 peratus kepada jumlah eksport, berkembang RM5.4 bilion atau 91.4 peratus kepada RM11.3 bilion sejajar dengan peningkatan dalam nilai purata seunit (+93.9%), walaupun volum eksport menurun (-1.3%);
- Minyak kelapa sawit & hasil keluaran berasaskan minyak kelapa sawit (10.5% daripada jumlah eksport) meningkat RM4.7 bilion (+59.5%) kepada RM12.6 bilion. Eksport minyak sawit, komoditi utama dalam kumpulan produk ini meningkat RM2.8 bilion atau 55.6 peratus seiring dengan kenaikan nilai purata seunit (+28.6%) dan volum eksport (+20.9%);
- Gas asli cecair, mencakupi 4.0 peratus daripada jumlah eksport, meningkat RM1.8 bilion atau 60.6 peratus selaras dengan pertumbuhan nilai purata seunit (+71.2%) walaupun volum eksport menurun (-6.1%);
- Petroleum mentah, menyumbang 2.4 peratus kepada jumlah eksport, naik RM980.3 juta atau 52.8 peratus kepada RM2.8 bilion sejajar dengan peningkatan nilai purata seunit (+86.2%). Sebaliknya, volum eksport menurun (-17.9%); dan
- Kayu & hasil keluaran kayu yang meliputi 1.6 peratus daripada jumlah eksport meningkat 1.1 peratus atau RM20.1 juta kepada RM21.2 juta.

Walau bagaimanapun, eksport getah asli yang merangkumi 0.3 peratus kepada jumlah eksport jatuh RM2.6 juta atau 0.8 peratus kepada RM334.1 juta disebabkan oleh penurunan dalam volum eksport (-10.2%). Namun, nilai purata seunit meningkat (+10.5%).

Paparan 2 Eksport mengikut Produk Utama Terpilih, Mei 2021 dan Mei 2022

Sumbangan							
	38.1% Barangan Elektrik & Elektronik	10.5% Minyak Kelapa Sawit & Hasil Keluaran Berasaskan Minyak Kelapa Sawit	9.3% Keluaran Petroleum Bertapis	4.0% Gas Asli Cecair	2.4% Petroleum Mentah	1.6% Kayu dan Hasil Keluaran Kayu	0.3% Getah Asli
	RM bilion	RM bilion	RM bilion	RM bilion	RM bilion	RM bilion	RM bilion
	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)	y-o-y (%)
Mei 2022	45.9	12.6	11.3	4.8	2.8	1.9	0.3
	+45.3	+59.5	+91.4	+60.6	+52.8	+1.1	-0.8
Mei 2021	31.6	7.9	5.9	3.0	1.9	1.9	0.3
	+34.3	+51.1	+83.3	+41.2	+141.0	+47.6	+71.3

B. IMPORT


Import terus merekodkan peningkatan 37.3 peratus pada Mei 2022

1. Prestasi Import


Import Malaysia merekodkan nilai tertinggi baharu pada RM107.9 bilion, meningkat 37.3 peratus berbanding bulan yang sama tahun sebelumnya. Berbanding April 2022, import juga mencatatkan peningkatan 3.6 peratus atau RM3.8 bilion. Berdasarkan terma pelarasan musim, import meningkat 6.5 peratus kepada RM108.4 bilion.

Berdasarkan tahun ke tahun, import mengikut penggunaan akhir mencatat peningkatan positif dengan kenaikan barangan perantara dan barangan penggunaan.

Carta 5 Import, Nilai (RM bilion) dan Perubahan Tahunan (%)



Carta 6 Nilai Import Asal dan Nilai Import Pelarasan Musim, RM bilion




2. Prestasi Import mengikut Negara Asal Utama

China dan Singapura adalah dua negara asal utama bagi import Malaysia pada Mei 2022, menyumbang 31.9 peratus kepada jumlah import.

Import dari China yang mewakili 20.3 peratus daripada import Malaysia, berkembang 11.9 peratus atau RM2.3 bilion kepada RM21.9 bilion. Ini disumbangkan terutamanya oleh pertumbuhan ketara import barangan elektrik & elektronik, meningkat 14.5 peratus atau RM1.1 bilion. Diikuti keluaran petroleum (+RM935.5 juta, +99.5%) dan kimia & bahan kimia (+RM533.9 juta, +32.2%).

Import dari Singapura bernilai RM12.5 bilion, menyumbang 11.6 peratus kepada import Malaysia, meningkat 71.7 peratus atau RM5.2 bilion tahun ke tahun. Pertumbuhan ini disebabkan oleh kenaikan import bagi keluaran petroleum (+RM2.3 bilion, +110.2%) dan barangan elektrik & elektronik (+RM1.4 bilion, +69.4%).

Carta 7 Perubahan Tahunan Import mengikut Negara Asal Utama, Mei 2021 dan Mei 2022




3. Import dari Negara-negara ASEAN

Import dari ASEAN pada Mei 2022 meningkat 69.7 peratus, tahun ke tahun kepada RM30.0 bilion dengan sumbangan 27.8 peratus kepada jumlah import. Pertumbuhan ini disumbangkan terutamanya import yang lebih tinggi bagi barangan elektrik & elektronik (+RM5.5 bilion, +138.3%), keluaran petroleum (+RM2.5 bilion, +89.2%), arang batu (+RM1.1 bilion, +257.5%), emas (+RM842.1 juta, +127.3%) dan kimia & bahan kimia (+RM376.6 juta, +24.0%).

Di antara negara asal utama ASEAN, 41.7 peratus import Malaysia adalah dari Singapura, berkembang 71.7 peratus atau RM5.2 bilion berbanding tahun sebelumnya.

Carta 8 Pembahagian Sumbangan Import, Mei 2022



4. Prestasi Import mengikut Sektor Ekonomi


Pengembangan import disebabkan oleh import yang lebih tinggi bagi semua sektor utama pada Mei 2022.

Barangan perkilangan yang merupakan 83.9 peratus daripada jumlah import, meningkat 32.6 peratus daripada RM68.2 bilion kepada RM90.5 bilion tahun ke tahun. Ini disokong oleh import yang tinggi bagi barangan elektrik & elektronik (+RM11.5 bilion, +48.0%), keluaran petroleum (+RM5.2 bilion, +75.6%), kimia & bahan kimia (+RM1.6 bilion, +20.8%), kelengkapan pengangkutan (+RM793.6 juta, +29.9%), barangan perkilangan logam (+RM753.0 juta, +17.2%), makanan diproses (+RM720.2 juta, +41.5%) dan jentera, kelengkapan & peralatan (+RM677.2 juta, +11.4%).

Import hasil perlombongan berjumlah RM8.3 bilion, meningkat 127.9 peratus berbanding Mei 2021 dan menyumbang 7.7 peratus kepada jumlah import Malaysia. Peningkatan ini disokong oleh import arang batu (+RM2.5 bilion, +287.2%), petroleum mentah (+RM1.3 bilion, +113.3%) dan bijih logam & serpihan logam (+RM551.9 juta, +48.6%).

Import keluaran pertanian (5.7% daripada jumlah import) mencatatkan pertumbuhan dua angka 20.7 peratus atau RM1.1 bilion tahun ke tahun kepada RM6.1 bilion, disokong oleh peningkatan minyak sayuran lain (+RM394.7 juta, +127.3%) dan bijirin (+RM279.2 juta, +34.7%).

Paparan 3 Import mengikut Sektor, Mei 2021 dan Mei 2022



5. Import mengikut Klasifikasi Penggunaan Akhir & Kategori Ekonomi Umum (BEC)

Jumlah import pada Mei 2022 bernilai RM107.9 bilion, meningkat 37.3 peratus tahun ke tahun. Tiga kategori utama import mengikut Penggunaan Akhir yang merangkumi 74.4 peratus daripada jumlah import adalah:

Barangan perantaraan, bernilai RM62.9 bilion atau 58.4 peratus daripada jumlah import, meningkat 34.1 peratus disebabkan oleh kenaikan import alat ganti & aksesori barangan modal (kecuali peralatan pengangkutan) (+RM5.3 bilion, +33.3%), bekalan industri, diproses (+RM4.7 bilion, +24.6%) dan bahan api & pelincir, utama (+RM3.8 bilion, +192.3%);

Barangan modal, berjumlah RM8.8 bilion (8.2% daripada jumlah import) menurun 0.8 peratus, disebabkan oleh import barangan modal (kecuali peralatan pengangkutan) yang lebih rendah RM304.1 juta atau 3.6 peratus; dan

Barangan penggunaan, berjumlah RM8.5 bilion (7.9% daripada jumlah import), mencatatkan kenaikan 19.3 peratus, disebabkan oleh import yang lebih tinggi bagi barangan tidak tahan lama (+RM515.9 juta, +31.4%) dan makanan & minuman, diproses, khusus untuk penggunaan isi rumah (+RM435.2 juta, +20.8%).

C. EKSPORT DAN IMPORT MENGIKUT LOKASI

Eksport pada bulan Mei 2022 meningkat sebanyak RM28.2 bilion (+30.5%) berbanding bulan yang sama tahun sebelumnya. Eksport lebih tinggi direkodkan bagi kebanyakan negeri iaitu Pulau Pinang (+RM13.3 bilion), Johor (+RM5.2 bilion), Sarawak (+RM3.6 bilion), W.P. Kuala Lumpur (+RM2.9 bilion), Selangor (+RM2.2 bilion), W.P. Labuan (+RM1.1 bilion), Kedah (+RM1.1 bilion), Sabah (+RM903.5 juta), Pahang (+RM56.1 juta) dan Perlis (+RM30.1 juta). Walau bagaimanapun, eksport menyusut di Melaka (-RM951.0 juta), Perak (-RM443.8 juta), Terengganu (-RM375.1 juta), Negeri Sembilan (-RM193.9 juta) dan Kelantan (-RM25.0 juta).

Pada masa yang sama, import juga meningkat RM29.3 bilion (+37.3%) berbanding bulan yang sama tahun sebelumnya. Peningkatan import dicatatkan di Pulau Pinang (+RM10.7 bilion), Johor (+RM5.2 bilion), Selangor (+RM3.8 bilion), W.P. Kuala Lumpur (+RM3.4 bilion), Kedah (+RM1.8 bilion), Negeri Sembilan (+RM1.2 bilion), Pahang (+RM837.4 juta), Perak (+RM739.9 juta), Sarawak (+RM573.2 juta), Terengganu (+RM258.5 juta) dan Sabah (+RM215.4 juta). Walau bagaimanapun, import menurun di Melaka (-RM137.0 juta), Perlis (-RM14.3 juta), Kelantan (-RM8.5 juta) dan W.P. Labuan (-RM1.2 juta).

Antara lima negeri pengekspor utama, Pulau Pinang kekal sebagai pengekspor utama dengan sumbangan 31.0 peratus, diikuti oleh Johor (21.0%), Selangor (16.8%), Sarawak (8.8%) dan W.P. Kuala Lumpur (4.5%). Sementara itu, bagi import, Pulau Pinang menjadi penyumbang utama dengan 26.3 peratus, diikuti oleh Selangor (24.1%), Johor (19.1%), W.P. Kuala Lumpur (8.8%) dan Kedah (5.8%).